

مستطابق

درسمادنده باب عالی جاده سنده
اداره مخصوصه
محل اداره :

اعظم :
مسکمزده موافق آثار جدید مع المنویه
قبول اولنور
درج ابدلین آثار احاده اولغاز

دین ، فلسفه ، ادبیات ، حقوق و علوم دن باحث هفته لق رساله در

مؤسسلری : ابوالعلا زین العابدین - ح . اشرف ادیب

تاریخ تاسیسی :
۱۱ نمرز ۳۲۴

سنه لکی	القی آیانی	درسمادنده
۶۰	۳۰	ولا یاتده
۸۰	۴۰	مملک اجنبیه ده
۸۰	۴۰	

درسمادنده نسخیه ۵۰ پاره در

قیرله دن مقوا بودو ایله کوندربایر سه سنوی
۲۰ غروش فضله آلنیر

درسمادنده پوسته ایله کوندربایر سه ولایات بدلی اخذ اولنور

عدد : ۲۸

۱۱ صفر ۳۲۷ پنجشنبه ۱۹ شباط ۳۲۴

ایکنجی جلد

علمای اسلامك بوقسمه دائر مسائل اهمیت و قابلیت درجه سه کوره ناسه نشر و تعلیم ایتلری وظائف قطعیه لرنددر .

ضروریات دینه قسمنده نه اجتهد ، نه تقلید جاری اولماز . قسم دیگرک ثبوتی ایسه دلیله مستند اولق ، اگر دلیل خاص موجود ایسه آنکه ، دکل ایسه مثلاً هر نافعک خیر و حلال و هر ضرر و اذانک شر و حرام اولسی کبی دلیل عام ایله بیلنمک واجبد . دین اسلامده نه قدر بویوک طانیلیرسه طانیلسون هیچ کیمسه قول مجرد ایله برشیئی تحلیل ویا تحریم ایتمک، دلیل شرعی ابراز ایتدکجه کندیسنه تقلید ایدمک حقنه مالک دکلدر .

بو حل و حرمت مسائلی ده غایت مهم اولوب تطبیقاتنه اعتنا اولنماقجه اهل اسلامك امور معاش و معادی کسب انتظام ایتمک احتمالی یوقدر . بناءً علی ذلک بوتون امت بو خصوصاتده کمال بصیرت اوزره بولنق امر واجبد .

مابعدی وار

مناسرتلی اسماعیل مقلی

نخائب قرآنیة

سورة انبیاء : آیت - ۱۰۵

« ولقد کتبنا فی الزبور من بعد الذکر ان الارض یرثها عبادی الصالحون »

بز ذکر دن صکره [توراتده یازدقدن صکره] زبورده [کتاب داود علیه السلامده] یازدق که ارضه صالح قولریم وارث اولورلر .

نه قدر مدید و عمیق معنایی افاده ایدر بر بیان جلیل الهی ! تاریخک بتون صحیفه لری بوبیان بلیغک شرحیه ، شواهدق براهینی ایله مالامالدر . باقلسون ، بونجه اراضی و ممالک کیملرک الدن جیقور ، کیملرک داخل حوزه حکمرانیسی اولور . قلوب بشر لواء الحمد عدالت آلتنده مستظل امن و رفاهیت اولق ایستر . حافظه انامده مکتوب اولان بوقانون ازلی ، تغیر ناپذیردر .

دمشق الشام مفتیسی استاذ جلیل محمود حمزه افندی مرحوم « البرهان علی بقاء ملک بنی عثمان الی آخر الزمان » نام اثر نفیسنده سلاطین آل عثمان حضراتک فضائل عدیده سنی و ملک و سلطنتلری الی نهایت الدوران پایدار اوله جنی صادق امین علیه افضل الصلاة والسلام افندی مزک اخبار مکاشفه آثار نبویلریله ظاهر و باهر اولدیغنی بیان ایتدیگی صروده : « عارف بالله شیخ عبدالغنی نابلسی قدس سره حضرتلری سلاطین آل عثمان حضراتی حقنده نظم ایلدیکی « الطلعة البیہ » ده اهل کشفک تصریحلری اوزره ارضه ملک و سلطنتله وارث اولان عباد صالحین ایله بطریق الاشارة سلاطین آل عثمان حضراتی مقصود اولدیغنی ذکر ایلمشدر » دیور و شیخ مشارالیهک زبرده کی ابیاتنی نقل ایدیور :

تأیید بیورلمشدر . باقیسی ده قرآن کریم ویا سنت متواترده وارد و عقلاً محالیتی غیر ثابت اولمسنه بناءً قبول و تسلیم اولنق لازم کیشدر . اما احادیث آحاد ایله — نه قدر قوی اسناد ایله مروی اولورسه اولسون — هیچ بر حکم اعتقادی ثابت اوله ماز . چونکه خبر واحد ظن افاده ایده بیلیر . احکام اعتقادییه ایسه یقینی اولق شرطدر .

عبادات قسمنده هر مکلفه فرض اولان شی قرآن کریمده وارد اولان احکامی سنت نبویه ، احادیث صحیحه ایله بیان و تفسیر بیورلدینی وجهله اخذ و تلقی ایتکدر . هر عبادت مفروضه حقنده شرف نزول ایلین آیت مجمله مشکات منیر رسالت پناهیدن مقتبس بیانات قولیه و فعلیه ایله اکتساب وضوح ایله مش ، وحی الهیه استنادی ثابت اولان کیات و کیفیات عبادات عیناً و تماماً قبول ایدلمشدر . یالکز اتیانی ضروری ویا مستحسن اولان ارکان و سائر نک تعیین و تمیزی بایندم تعمیقات اجتهداییه لزوم قالمشدر . بوده روایات مختلفه یچندن اصح اولانی ترجیح ، محمل اولان بر تعییری تفسیر صورتیه نتیجه لشمکده در .

هیچ بر مجتهد بر عبادت مفروضه حقنده اجتهد ایله زیاده و نقصان اجراسنه ماذون دکلدر . زیرا بونلر شارع طرفدن اتمام واکمال بیورلمش و عرف و زمان اختلافیه مختلف اولیه جقلری جهتله مجتهدینک تصرفاتنه تفویض بیورلق امکانی قالمامشدر .

قسم ثالث ده قسم ثانی کبی اولوب برشیئک حل و حرمت ده دائر نص شرعی موجود ایکن مجتهدک ، خلافته قائل اوله میه جنی آشکاردر . یالکز مسکوت عنه اولان بر فلعک قیاسله حل ویا حرمتنی اثبات ایده بیلیر .

قرآن کریم صراحةً بیان ایتدیگی امور خیریه و سیر مرضیه دن باشقه « وافعلوا الخیر » و « یسارعون فی الخیرات » کبی نصوص جلیله ایله ده علی الاطلاق عمل خیره دائر امری ، انواع برو احسانه ترغیبی محتویدر . هر امر معروفک مشروعتنی و هر شر و منکرک ممنوعیتنی اعلان ایتمش ، فقط جزئیاتک عدم تناهی و اطرادینه مبنی هر برینک دائرة شمولی فطرت سلیمه اربابنک فهم و اذعانیه احاله ایلمشدر . ایشته بوکارایه دین اسلامده وارد اولان تفصیلاتی اعطادن صوکر . هر مسلمان « فن یعمل مثقال ذره خیراً یره و من یعمل مثقال ذره شراً یره » دستور شریفنی تلقین و توضیح ایله خیر و شر تحدیدینی کنیدی وجدانه ، ادراک و اذعانیه ترک ایتمک اقتضا ایدر .

بوابده دین مبین اسلامک تعیین ایتمش اولدیغنی احکامک بر قسمی « ضروریات دینه » تسمیه اولونورکه بونلری بیلمین مسلمان یوقدر . عفت و امانت و صدق و استقامتک خیرینی و فواحش ظاهره و باطنه نک شریعت و شناعتی کبی . دیگر قسمی ده هر کسه معلوم اولیوب علم ایله مشغول بولونانلره مختصدر . حقوق اعتباریه قادینک ارککه ، مملوکک حره و غیر مسلمک مسلمه عدالت نظرنده مساواتی . و لو پدر اولسون ولینک مولیه سنی ، تحت ولایتنده بولونان قیزی عضل ، کفوی اولان طالبه تزویجندن امتناع ایتمه سنی حرمتی کبی .

بوزمان قیامت نشاندید که اهل اسلامدن و ترک طوائفندن اولوب اصل مأوی قدیملری بولنان ترکستاندن خراسانده کائن ماهان صحراسنه ورود ایله اوراده توطن ایتمش اولان قانی خان قبیله نجییه سی، رئیس لری بولنان سلیمان شاه بن قیا الب خانک زیرامارتنده اوله رق خوارزمبدن قلقوب تبریز اوزرندن واکری طاع اتکرنندن طولاشه رق وان کولنک ساحل جنوبیسنده کائن اخلاط قصبه سنه کلدیله . او جوارلرده برمدت قراردن صکره تکرار یوله دوام ایله ارزنجان جهتلرینه و سوریه ایچرولرینه قدر ایندیله . یولرده کی توقف و آرامه برابر بوجولان یدی ییل اوزادی .

بومدت ظرفنده جنکیرک وقوع وقاتی مغول اردولرینک ایلک تهور مظالمی تهوین ایلدیکندن سلیمان شاه سائقه حب وطن ایله یوردینه دونمک املنه دوشدی ایسنده ظاهر نسل و خاندانی ایچون مشیت ازلیهنک آماده ایتمش اولدینی بردور اقبالك زمان ظهوری اول هنکامده تقرب ایتمش اولمکی که بومالی تقدیره توافق ایتدی . شمدی حلب ولایتنه تابع رقه قضاسی جوارنده جعفر قلعه سی پیشکاهندن قبیله سیله برلکده نهر فراتی کچر ایکن آتک آیانغی قایمسیله فراته دوشوب غریق لجأ رحمت اولدی .

بو حادثه سببیه قبیله آره سنه تفرقه دوشدیکندن بر قسمی وطن اصلیلرینه عودت ایتک اوزره آریلوب کتیدی . مرحوم مشار الیهک درت نفر اولاد کرامندن ایکیمی رفاقتنده و بیوکی بولسان ارطغرل بکک زیر امارتنده قالان دیگر قسم قبیله دخی تدارک مأوی ضمتنده مختلف فکرلره مائل وراغب و بشقه بشقه یوللره سالک و ذاهب اولدیله . فقط صکره جمله سی بریده اجتماع وکأه واحده اوزرینه اتفاق ایدرک کندیلرینه برماوی کوسترلمسی پادشاه آل سلجوقدن استدعا ایتک اوزره قونییه متوجهاً حرکت ایلدیله .

یولده هیج برطرفی طایمقلری ایکی محارب اردویه راست کلدیله . بونک برطرفی مغلوبیه یوز طوتمش ایدی . بو حالی کوروبده صاوشمنی علوجنابلرینه یاقیشدیره مدقلرندن مغلوب اولان طرفه مظاهرت ایتلریله علم غالبیت او طرفده تموج نمای شان اولدی .

بو عالی جناب جنکاورلرک غلبه سنه خدمت ایتدکاری اردونک مکر سلطان علاء الدین سلجوقی عسکری اولدینی ، طرف مقابلک ایسه جنکیر طاقندن بولندینی محاربه قازاندقدن صکره اکلاشدی . بومعاونت مروتمندانه سلطان علاء الدین نزدنده پک شایان تقدیر و شکران اولدیغندن بروسه شهری قربنده کی طومانسیج یا یلاغیله سکود ناحیه سنی مکافاة ارطغرل خان غازی به بخش و تملیک ایلدی .

غازی مشارالیه سکود حوالیسنده قبیله سیله برلکده یرلشدکدن صکره کندیسنه تملیک قلنان یرلرک همحدود اولدینی روم تکفورلریله سلجوقیلر نامنه غزادن خالی اولماز ایدی . استانبول امپراطورینک جنکیزلره مراجعت ایدوب قوه مظاهره سیله سلطان علاء الدین علیه اچلمش اولان بر محاربه یهده ارطغرل غازی اشتراک ایلدیکندن جنکیزلر

لکنی بول الثامنه [۱] بدأت قصداً لامور کانه
تظبر فی شان ملوک الروم قد اقتضتها حکمة القیوم
وهی اشارة من القرآن الی سلاطین بنی عثمان
بقوله لقد کتبنا فی الزبور بان ارض الارض ای حکم الامور
الی العباد الصالحین هکذا صرخ اهل الکشف طابوا ما خذا
فهم ملوک قائمون بالهدی لنصرة للشرع و اخاد العدا
واسأل الله لهم ان ینصرا وان یدیم ملکهم بین الوری
محمود افندی مرحوم آل عثمان حضراتنک الی اخر الزمان بقای
ملک و سلاطینلری حقنده بعض اخبار و آثار ذکر ایتدکدن صکره :
« امام مسلم ایله امام بیهقی نک روایت ایلدکاری اوزره بنی محترم صلی الله
تعالی علیه وسلم افندمزک « بدا الاسلام غریبا و سيعود غریبا » بیورملری
قوت اسلامیهنک الانهایة الدوران بقاسنه معارض دکدر . زیرا حدیث
شریفده غربت ایله ، ترک صلاة و زکاته ، ارتکاب غیبه ، شرب خمره ،
اکل ربایه و امثالنه دائر اوامر و نواهیده تساهل کی احکام اسلامک
اجراسنده تقصیر مراددر . اهل اسلامک قوتیه احکام دینده
تساهلری ارمسند ایسه تعارض یوقدر « دیور . مبحتک نهایتنده شو
نقره بی ایراد ایدیور : « بو خبر دائرلره واقف اولدقدن صکره انلری
کیم تکذیب ایدرسه بوتکذیبی یا اسلامه اسائی قصد ایلدیکی و یا خود
اسلامک جهل اعدای لثامندن بولندینی ایچوندر » .

حجة الاسلام ابو حامد محمد بن محمد الغزالی حضرتلرینک احیاء
علوم الدین ده الفاظ و اسامی علومک معانی غیر مقصوده یه نقل
و تبدیلنه دائر ایراد ایلدیکی کلام ، مفتی مرحومک حدیث شریفه و یردیکی
معانی تأیید ایتدیکندن عیناً بورایه نقل ایدیورز : « فکل ما ارتضاه
السلف من العلم قد اندرس ، و ما اکب الناس علیه فاکثره مبتدع
و محدث . و تصح قول رسول الله صلی الله علیه وسلم : بدا الاسلام
غریباً و سيعود غریباً کما بدا فطوبی للغریاء ، فقیل : و من الغریاء ،
قل : الذین یصاحون ما فسدہ الناس من سنتی و الذین یحیون ما ماتوه
من سنتی — اه » .

« انانحن نزلنا الذکر و انالله لحافظون » نص جلیلی ، « الجهاد ماض
الی یوم القیمة » حدیث شریفی ، هپ بونلر شوکت اسلامیهنک قیامته قدر
بقاسنه دلالت ایدر ، زیرا بویولده وارد اولان نصوص و آثارک تضمن
ایلدیکی احکام انجوت قوه اسلامیهنک بقاسیله تحقق ایلر .

استطراد -

برطرفدن دین مبین اسلامک از وقت ایچنده نور سحر کی آفاقه
منتشر اولدینی کوروب چکمه یه غرب متمصلرینک محارباتی ، دیگر
طرفدن ایسه قره قروم صحرا لردن سیل بلا کی جوش و خروش ایله ارانه
خون بشر و اوکارینه کلن معموره لری زیر و بر ایدن جنکیزلرک مظالم
و مصائبی ایله عالم اسلامیت پر آشوب و فتن اولدینی هنکامده ایدی که
آسمان شوکت و اجلالده بدر منیر آل عثمان طلوع ایله قلوب موحدینه
نور افشان اولدی .

ایله ایمپراطور عسکری مغلوباً فرار ایلمش ایدی . غازى جوامردك بو خدمته برهديه شكرانه اوله رق کنديسه سلطان علاءالدين اسكى شهر حواليسى ده تملك ایلدی .

هجرت نبویه نك ۶۵۶ نجى سال فرخنده مطالعه مصادف اولان بوزمانده ایدی که مؤسس سلطنت عظمای عثمانیه سلطان عثمان غازى حضرت تلى پدروالا کهرلرینک وطن جدیدی اولان سکودده مهد آرای وجود اولدی .

دها کو چکلکنده بیوکلك پرتوی ناصیه سنده درخشان و حال صباوتدن عهد جوانی به ترقی ایله بر قهرمان صاحب قران اولمق استعدادی هر حال وشانندن نمایان اولمغه باشلایان بو آتشیاره جلادت دشمن ممالکنده جولان ایله ارائه قدرت وسطوت وبرطرفدن دخى استفاضه کالات ایله تزین ذات و ماهیت ایدرك نامی نامیسی اطراف واکنفاده اعتلا ایلمش اولدیغندن بتون عالم کبی سلطان علاءالدين دخى آنک مفتون جلادت وشهادتی اولدیغندن غنیمت غزاسی اولان یرلری بو مجاهد دیشانه تملك وبرمنشور سلطانی ایله عهدۀ استیاله توجیه امارت ایلدی .

علامت امارت اوله رق کوندریلان بر بیاض سنجاق ایله طبل ونقاره هجرتک التیوز سکبان یدی سنه سی ذی القعدة سنک اون یدنجی کونی ایکندی وقتی واصل اولدیغندن عثمان غازى حضرت تلى تعظیماً ایاغه قالقوب نوبت چالیدردی . ایکندی وقتی نوبت چالغی اصولی او وقتدن اعتباراً عادت حکمنه کوروب استقلالدن صکره دخى دوام ایتش و آنجق فاتح دورنده قالدیرلمشدر .

جنکیزلرک صدمات متوالیه سیله سلجوقیلرک سلطتی بالاخره دوچار تزلزل اولمسی اوزرینه ولایت بکلری استقلال داعیه سنه دوشهرک وهر بری بولندقلری محللرده برر حکومت تشکیل ایدرك دولت سلجوقیه نك انقراضی تسریع واتمام ایلمش اولدقلرندن دولت مشارالیه طرفندن بامنشور سلطانی حائر امارت بولسان عثمان خان غازى حدود امارتی داخنده اجرای حکومته دوام ایلمش وایشته عدل ودادیه ، دمبدم خدمات مجاهدانه سیله بر عشیرتدن قوجه بر دولت حصوله کتورن واقوام اسلامیه یی بر نقطه وحدته جمع ایله دنیانک الکوزل ، الک فیضلی بارچه لرنده بوکون حکمران اولان دولت علیه عثمانیه بوزمان یعنی هجرت نبویه نك ۶۹۹ نجى سته سنده تأسس ایتشدر . جدامجد عثمانیان آنفاً زیب سطور مفخرت اولدینی اوزره اهل اسلامدن و ترک طوائفدن قایی خان قینه سنک رئیس اولدینی کبی سلسله نسبک اورادن اوغوز خانه قدر متمد بولندینی دخى

عثمان ارطغرل اوغلی سین

اوغوز قره خان نسلی سین

حقک بر کتر قولی سین

استانبولی آج کازاریاب

قطعه سیله مؤید بولدیغندن آل عثمان حضراتی دها بلاد رومه داخل

اولازدن اقدم ابا عن جد خازاده خان اولوب ملک وسلطتده اصلتلی وارددر . برکت زاده : اسماعیل مئی



فاضل شهر ماردینی زاده عظموتلو عارف بك افندی حضرتلرینک تقریباً بوندن اون سنه مقدم لاهی قونفرانسینک ایلك اجتماعی مناسبتیه حرب و صلح و معاهدات اله حقوق حرب حقنده شریعت غرای اسلامیه نك احکام منیفه سی مبین [احکام الحرب والصلح فی الاسلام] نامیه قله آلدنلری مة لات مهمه نك اول ائشاره طبع ونشری منع ایدلمش اولمسیله انظار استفادیه وضع ایدله ماش ایسه ده بوکره ایدیلان بر نسخۀ سنک تمیم فائده سی مقصدیه (صراط مستقیم) ده درخنی مناسب کوردک .

احکام الحرب والصلح فی الاسلام

بر مدتدنبرو عالم انسانیت وصحائف مطبوعاتی اشغال ایدن ترک سلاح تصوری حقنده اتم متمدنه ارباب قلمی امکان وعدم امکان وجواز وعدم جواز دائر مختلف المال مقاله لر یازمش وهرکس فکر وادراک وعقل واذعانی نسبتده یاخود تابع اولدینی دولت وحکومتک آمال سیاسیة ومقاصد اساسیه سی دائره سنده بسط مقال واداره لسان ایلمکده بولنمش اولدینی معلومدر .

بو بایده یازیلان رسائل ومقالات مهمه اره سنده الک زیاده جالب نظر دقت اولان آلمانیا دولت فحیمه سنک صلح قونفرانسنه مأمور ایلمش اولدینی مشاهیر علماء حقوقیوندن معلم « فون استنکلك » « مصالحة ابدیه » عنوانیه نشر ایلمش اولدینی رساله مشهوره سنده حربک مشروعیتی حقنده انجیل وتورات احکامندن دخى بحث ایدلمش ومذکور قونفرانس سلطنت سنیه اسلامیه جانب عالیندن دخى منتخب مأمورلر ارسالیله اشتراك بیورلمش اولمسنه وبوبایده شریعت غرای اسلامیه احکام منیفه سنک دخى اورویاجه بیانمسی فائده دن غیر خالی کورلمسنه بناء بوخصوص حقنده کی اوامر قرآنیه واحکام دینی نك بیانی واجبه ذمت حیت کورلمشدر .

صده شروعدن مقدم حربک نوع بشر اره سنده صورت واسباب ظهوریه بوبایده منزل اولان صحف وکتب سماویه ودیانت معظمه اسلامیه نك ظهورینه قدر ملل واقوام سالفه اره سنده حکمفرما اولان قواعد وعادات قدیمه سیله بعدالاسلام قرارگیر اولان احکام شرعی نك بیانی مقتضی کورلمشدر که حربک علی الاطلاق مشروعیتی حقنده کی فکر باطلک حقیقتی بو صورتیه تظاهر ایتش اولسون .

معلومدر که خلقت علمدن مقصد اثردن مؤثره استدلال صورثیه جناب آفریننده کون ومکان اولان ذات قدسیت سمات الوهیتک معرفتی اولدینی [کنت کنزاً مخفياً فاجبت ان اعرف فخلقت الخلق لاعرف] حدیث قدسیسی دلالتیه مثبت ومعرفتک دوام وبقاسی ایسه مابه القیامی اولان نوع بشرک دوام وبقاسنه منوط اولدینی بر امر مبرهندر حرب ایسه نوع انسانی محو واقنا ایدن مصائب عظما و دواهی دهادن بولنمسیله عدواناً وقوعی نوامیس الهیه ایله مؤسس اولان کانه ادیانده ممنوع ومحرم اولدینی برامر مسلمدر .